

1. runda damas 35+ 3. ligia:

Trun – Mustèr/ 3:3

Oz, in di sco fatgs per nossa emprema runda. Sonda a bun'ura essan nus serimnadas giu sils plaz da tennis! Tgi vegneva cun buglia da bicha, tgi petta, tgi salatas, tgi tee, in bi mirar quels maletgs usitai gia dapi biars onns. L'emprema runda ei tutina intec speciala! Vein fatg a nossas adversarias da Mustèr in cordial beinvegna. Zitgei ei lu spert curdau a nus en egl, il bi tenu, e propi cools T-Shirts cun scret si en pulit gronda dimensiun il num da mintgina giudem il dies. Per nus ei quei stau super, aschia vein buca stuiu studegiar gl'entir di tgi ei tgi e dat cun tgi! Ussa vegn dau ils giugs:

Erna nr. 1 / Vica nr. 2 / Aurelia nr. 3 / Gaby nr. 4.

l'Erna ha giu da morder pulit, ella veva ina ualti sperta, ina „da Curaglia“. La moda da dar 3 sats quenta ella era trer attras il 2018. La Vica ha manteniu buna gnarva, ella ha era dau sin 3 sats, ei ha tutina buca tunschiu! Ieu haiel giu intec pli sempel quella ga, giu plitost in cuort giug en mia favur! La Gaby ha era gudignau, ella ha dau in bi e ruasseivel giug.

Ils dubels, Aurelia e Gaby, Luisina e Petra ein ira dal'laua giu, tgunsch ord manco da concentraziun, moviment, spertadad ed aunc pli!

Pli tard essan stai da cumpegna e gudiu da specialitad da carn dalla Luisina ed il bien dessert dalla Petra!

Ins sa dir che nus vein giu ina buna entschatta digl interclub e gudignau ils emprems 3 puncts.